



祭江洗港思想起

「恭請慈裕宮無極元君天上聖母千里眼順風耳兩將軍佾合廟諸神……。」「阿媽，是按怎彼司公喺裡一直唸一寡有的無的，到底是咧創啥咧？」「囡仔人毋捌，恬恬仔聽，莫講話。」「廣大神力無邊祭告水底有祀無祀幽魂……。」「阿媽，是按怎彼司公會共銀紙擲佇海裡？」「諄，都共你講囡仔人有耳無喙，毋通烏白問。」

五日節彼下晡，差不多三點的時陣，阿媽攏會带我去港仔墘看人洗港，有夠鬧熱的！洗港的陣頭長艱婦，幾若十公里。閣會當看著八家將，佾我上愛看的車輦轎。阿媽講：「佢若經過橋頭，就會開始安營制煞、貼符令，這攏是咧祈求平安！」阮嘛閣會綴媽祖的神轎，一直行到五福大橋出海口，逐家面向海，跪咧拜拜。

彼時陣，我毋知影啥物是「洗港」，我干焦知影五日節是咧紀念屈原。猶毋過我一直想攏無，是按怎陣頭若經過橋頭、大排水溝就一定會掖銀紙，明明就是愛擲肉粽才著啊，是按怎是掖銀紙咧？見擺若問阿媽，阿媽攏講囡仔人恬恬仔看就好矣！

一直到我國中二年，綴阿母去參加竹南鎮的文化社團，經過社團老師的解說，我才知影洗港有一段悲慘的歷史。因為咱祖先咧開墾竹南的時，發生過族群的衝突。彼陣有真濟人相爭欲經過橋頭，相爭的結果，有的摔落去水底，有的猶袂赴跣起來，就閣予後面摔落去的人誓死。遮的人毋是淹死，就是予人誓死。有的閣較悲慘，是予人踏死的。

喔！原來是按呢喔！是我拂毋著去。囡仔人毋捌，清彩烏白鬥。洗港，其實是欲來祭拜當初時遮的冤枉死的祖先。因為按呢，我對故鄉有一點點仔了解矣，嘛開始綴阿母的跂步，一步一步去了解竹南的故事。

就按呢，我對一个完全無了解家己故鄉的囡仔疍，佾阿母做陣參加文化社團。這十外年來，才漸漸了解故鄉的歷史佾文化，我知影著愛用心去了解這片土地，才會當體會故鄉迷人的所在。

作者：陳筱伶

☆詞彙學習☆

【司公】sai-kong：道士。

【銀紙】gîn-tsuá/gûn-tsuá：冥紙。焚化給死者使用的紙錢。

【長艱婦】tîng-lò-sò：形容物體很長、很高的樣子。

【陣頭】tîn-thâu：遊行隊伍。民俗節慶時，參加表演的業餘樂團或遊藝團體。

【拂】hut：蠻幹。不顧一切後果地去做。

【囡仔疍】gín-á-phí：小毛頭。指小孩，但含有貶意。